

内閣文庫	
番號	漢 10293
冊數	2 (1)
函號	316 22

316-22



重刻壘山先生批點諸書序文庫

重刻壘山先生批點諸書序文庫

重刻壘山先生批點諸書序文庫

昔仲尼考三代之治必求其文獻足徵豈惟隆古為

然要之百代相沿盛衰損益之迹固不越此矣竊嘗

謂君子居是邦而不知其邦之文獻者非也知是邦


之文獻而弗能表章之使昭揭在人者亦非也矧夫

節義之超特文章之瑰偉若謝壘山先生者其闡揚

震耀顧不當爾邪先生信州之產也當宋社既屋之

後卒能以身任一代之綱常萍踪浪跡遠匿深潛是

豈偷生苟免者哉將有為也及元人物色旁求必欲



318-55

得先生而用之先生知決不免遂一死以畢其事孤
忠大節屹如山嶽至今餘三百年矣其節義文章昭
揭宇宙凜凜猶有生氣夫人莫不知之至其批點諸
書若檀弓若唐詩若陸宣公奏議若文章軌範及其
所自為文則夫人固不能徧觀而盡識之矣朔陽益
軒林公來守是邦以敦崇禮教為先務每履疊山書
院輒仰止先生之芳躅徘徊嘆息久之然後去公退
之暇復取先生之遺文時加披閱悉已得其指歸嘗
謂予曰吾人知仰止先生之節而尚俾其遺文散逸

湮淪此非尚論之道且先生之批點不干他書而惟
有取於詩禮文章奏議諸篇固其忼慨忠義之發殆
將以風世軌物作天下之忠與敬耳况其正直之氣
閔中彌外今讀其文辭有不足以想見其人乎哉由
是躬親披讐萃聚成編拍俸命工以壽諸梓名之曰
疊山先生批點某集俾天下之士讀先生諸所著述必
含英咀實因言以考行將使先生節義文章如
中天萬代瞻仰復命予為之序予惟後世之全節實
難考其生平所自期待鮮不以文章節義自負及稍

稍臨利害僅如絲髮間往往至於喪魄奪氣其甚者
或匍匐祈哀乞須臾毋死庶偷生首鼠間况望其能
臨大節而不可奪視死如歸以身任一代綱常之重
如先生者顧可得而多見邪今益軒公於從政之暇
不以簿書期會自累顧汲汲焉哀集先生批點諸書
及所自為文以章示後學蓋將使先生之鄉人是則
是初由是而施之邦國又由是而達之天下罔不景
行仰止慕先生之節義必為臣死忠為子死孝以無
忝于兩間讀先生之文章又不徒俾託諸空言已也

必求先生扶植正教之心使見諸行事之實庶幾先
生立德立言以垂不朽者萬世如睹則是集也益軒
公作人無已之盛心顧不得而默識想見之哉文不
敏敬述其槩用以勗夫同志云

皆

嘉靖乙卯歲仲冬日長至餘姚後學王守文拜手謹

序

疊山文集目錄

五言絕句

思親五首
送程楚遠逾遊
五星
感道士阮太虛

五言八句

古詩贈相士吳楚峯
求希叟
送張子高歸延平
送荆治中之信州

七言八句

示兒二首
贈卜者魏希希

代上杜梅察三首
寄謝叔魯三首
元旦阻雨二首
春日聞杜鴈

題

和曹東谷韻

和游古意韻

和毛靜可韻

和詹蒼崖韻

良友良朋

門人蔡正孫和韻

許洞文翁華父二刘兄惠寒

書林文筆

龍湖春水

雲衢夜月

岱嶂寒泉

室應朝陽

送疊山先生北行及晚三首

和道士陳天隱三首

古風五言長篇

謝刘純父惠木綿布

即人惠米線

乞醮
贈道士阮太虛何存齋

七言長篇

菖蒲歌

贈石梅季匠

謝藥

謝麪

寒食鄆州道中

上丞相刘忠齋書

與李養吾言

與刘秀岩論詩

與天師張簡齋

薦寫神黃鑑堂

代宗臣正啓

代干丞相免追尋功賞錢糧啓

伏干上司公庇啓

謝宋亦山惠米啓

和葉爰梅

又游古意詩

又毛靖可詩

初到建寧賦詩二首

門人建安梅堃魏天卒

用韻斐然

華峯

又陳達翁達泉石

佑疊山先生詩三首

謝張居士惠帑

謝人冬至送物

謝黃禪師華嚴會

荆棘中杏花

贈畫吳雪塢

謝惠椒醬芋物

峰刘洞齋華甫

上程雪梅御史書

與叅政魏容齋書

與建寧路母府判

與蔡文節公孫免

與道士桂武仲

與菊圃陳尚書劄

代賀丞相正啓

代干丞相薦奉啓

代干丞相送除啓

謝人惠帑余啓

啓

書

狀

謝惠醋啓
賀蔡芳原判鎮為道士啓

聘啓
回定啓五

回啓

回啓

回啓

回啓

回啓

回啓

通王府判劄化

回主簿交代劄

薦父青詞

吾友張四居士為僧敢獻善頌

聘定啓四

七月請期啓

八月請期啓

九月請期啓

十月請期啓

十一月請期啓

十二月請期啓

劄詞

卷之上目錄畢

新刊重訂疊山謝先生文集卷之一

里生 潭石 黃 溥編輯

賜進士第揭陽益軒林光祖校刊

絕句

思親 五首 壬午九月寄書老母

九十萱親天下稀十年甘旨誤庭闈臨行有戀慈心

喜再觀衣冠兒便歸

九十萱親天下稀吾王何在子何之倚閭日暮無他

念一片好心天得知

九十萱親天下稀人無容力荷天慈衣冠禮樂江東
聚此是癡兒奉母時
九十萱親天下稀平生教子欲何爲楚王肯立韓公
子良也歸韓亦有辭
九十萱親天下稀教兒只誦白華詩溪冰山玉人無
愧百拜慈闈喜可知

代上杜按察

三首

東南官吏久清風五十年來世道窮須信太平在今
日人間又有杜祁公

慶曆諸公開太平選賢按察救生靈當時只有一杜
杞豈若先生真福星
萬物寧無吐氣時平生愛誦杜陵詩如今天下知元
結六百年間再見之

送程楚翁遠遊

近日人傳庾嶺梅南枝落盡北枝開長安舊日元無
此畫是江南人送來

寄謝叔魯

三首

紅葉飄搖霜露清去年今日正同行夜來似與君相

見明月一窓梅影橫
一歲思君君不來君來我去久徘徊歸時只見留詩
在何日相逢暢好懷
平生結客知心少亂世逢人笑口難近日老天頻送
喜誰來對酒共清歡

五星

五緯煌煌聚在秦項王稱霸沛公臣誰知四百年天
下已屬寬仁大度人

元旦阻雨二首

洪鈞一轉歲開端草木群生亦喜懽安得明年此時
節江東重覩舊衣冠

莫道新年賀客遲晴天煖日却相期春風只被多晴
苦紅嫩青新總要詩

戲道士阮太虛

阮郎正好住天台玉女多情忍放回雨散雲收一天
碧薰風吹夢到瑤臺

春日聞杜鵑

杜鵑日日勸人歸一片歸心誰得知望帝有神如可

問謂余何日是歸期

五言八句

古詩贈相士吳楚峯

世亂異人出高者為神仙方術皆救世可知愚與賢
喜君風鑒別妙處不可傳着眼看福人要識太平年

贈宋相士

墮甌者無益乘軒計亦疎忍貧吾自解過論子姑徐
但得耆而艾飽觀詩與書時半一盃酒此外盡從渠

未紙衾

避世知無地危身只信天寧持龔勝扇不着挺之綿
養性真同道知心有宿緣紙衾加惠絮晴日卧雲邊

贈相士郭少山

崇蘭生深林澹泊一點芳江梅倚脩竹醞藉萬斛香
肌骨抱金玉精神貯冰霜若色見我照紅暈海棠以

送張子高歸延平

亂世讀書少前人教子難青燈嘗合席紅葉趨歸鞍
梅自知春近松應耐歲寒樓高新月好後夜與誰看

送劉治中之信州

水王古後山治中今士元邦人敬文簡道化望曾孫
朱子書堂在東萊講席存十年儒道晦此日喜登門

七言八句

示兒 二首

門戶興衰不自由樂天知命我無憂大兒安得孔文
舉生子何如孫仲謀天上麒麟元有教人間豚犬不
須愁養男不教父之過莫視詩書如寇讎

千古興亡我自知一家消息又何疑古來聖哲少才
子世亂英雄多義兒靖節少陵能自解孔明王猛使

人悲只虞錯改金根字焉用城南勸學詩

代上張經歷

中原自古多豪傑晉國尤多賢大夫學問斷無虛議
論功名須有大規模臂間弓矢真良將舌底詩書笑
腐儒自恨兩賢相識晚不妨盃酒恣歌呼

贈卜者魏易齋

伯陽曾着易參同盡奪陰陽造化功白玉五坡人可
到黃金一鼎道無窮先生救世心良苦後派多才命
必通魏本大名易頭子明且為筮江東

題東觀壁二首

觀外好看船往迴觀中幾度見桃開常瞻紫氣青牛
去又帶白雲黃鶴來天地無情搔短髮古今多變付
殘盃醉中尚有醒時眼不信玉山人可推
老樹猶能識道回好懷長對碧天開青山綠水何人
管明月清風要我來少日曾聞黃石教平生幾擲左
慈盃道兄慣見人間事快抱棋枰信手推

和曹東谷韻

千古綱常擔上肩眷梁鐵硬對皇天人生芳穢有千
載世上榮枯無百年以日識公知有道何時與我談
遊仙不為蘇武即龔勝萬一因行拜杜鵑

和葉愛梅韻

道逢患難正當行禮食從來孰重輕綠髮行藏堪檢
點白頭去就要分明了知死別如龔勝未必生還似
子卿締地經天文不喪許君獨擅大聲名

又葉愛梅詩

后土茫茫兩屨行綱常事重以身輕大耳有士一
人壯千載見君雙眼明俯仰元無愧今古英雄何

必盡公卿早知莫買成都卜省得人知大隱明

和游古意韻

死易程嬰豈不知十年死後未為非文辭未必改秦

館左傳瑕呂節敲朴徒能抱御衣無志何勞悲廟黍

此言離黍一詩忠矣然畧無與周之志與文得仁更

俠之傘辭氣相似曾不如秦無衣之有志也

不食山薇余幼受教先人武王太公周公一聞扣馬

與滅絕絕以謝天下以服人心故立武庚為殷王盡

有商畿內之地姑命三叔以監之其王者位號尚如

故與周並立至三監挾淮夷叛始殺武庚始降王為

公黜殷命而封微子於宋故周書曰用告商王孔子

序書曰成王既黜殷命殺武庚命微子啓代殷後可

見前次殷命未絕殷王如故伯夷雖采薇西山見周

又游古意詩

滿腔忠孝有天知不啻人間事已非萬里乾坤雙

草屨百年身世一麻衣行藏自信床頭易卧病惟

餐隴首薇倘過宗周見離黍幾多新淚向殘暉

和毛靜可韻

孟韓相慕久懸之恨不論詩早十年吾道不行知有

家能悔過還善路死無怨并薇蕨不食而死之故孔

曰求仁而得仁文何怨先君子云云此說聞之寒間

泉解儒冠有愧一廝養見史記漢書武何忍葵心對

落暉臣張耳陳餘傳

命斯文將喪更由天
汝生何恨為龔勝
來世誰能知
少連不信無人扶
宇宙是邦豪傑已
然

又毛靖可詩

一襟書傳日星懸
湖海聲名五十年
事不求知惟
此理文之未喪
豈皆天人方驚怪
歐陽子我獨悲傷
魯仲連者鏡倚樓
秋已暮風巾霜履
重依然

和詹蒼崖韻

八閩英傑盛如林
安得三忠存至今
舊俗風流千載
事精忠大義一般
心早知平陸風波
惡何必顛崖雲

霧深此日春梁非
鉄硬小顏拳氏定
相侵 謂雲峯起義

初到建寧賦詩二首

魏參政執拘投北
行有期死有日
詩別妻子

良友良朋

雪中松柏愈青
扶植綱常在
此行天下久無龔勝青
潔人間何獨伯夷
清義高便覺生堪捨
禮重方知死
甚輕南八男兒
終不屈皇天上帝
眼分明

門人建安梅堃魏天應和韻

疊翁老師將有行
賦詩言別綱常
九鼎生死一

毛懷慨激烈高風凜然真可以庶頑立懦天應
足患痼疾莫能往餞回視后山之送坡翁為有
媿矣斐然拜和未知能徹師聽否臨風淒斷
萬疊青山只麼青從容時止又時行斯文未喪子
何畏舉世隨流我獨清日月精忠今古在丘山道
義死生輕吾翁鉄脊文翁似無愧淵明與孔明
先生心事炳丹青顧影何曾愧獨行商嶺芝能如
橘隱首陽粟不似薇清綱常正要身扶植出處端
為世重輕安得寒泉來會宿參同極論到天明

門人蒙齋蔡正孫和韻

叠翁老師因行賦詩讀其辭而見其心天地鬼
神昭布森列不可誣也為之感慨激烈正孫辱
在師門弟子之職敢不拜一語以激揚先生之
義氣用韻斐然

山色愁予渺已青平生心事杜鵑行霜鬢雪覆天
終定歲晚江空水自清肩上綱常千古重眼前榮
辱一毫輕離明坤順文箕事以是先生素講明

辭洞齋莘父二劉兄惠寒衣

離羅內附何損麒麟及君事仇忍為狗彘
凡勸吾入燕吐胸中不平而後死者皆非
忠於謀人者也南八男兒死爾不可為不
義屈豈敢曰將以有為乎平生季問到頭
時要見分明辱惠寒衣義不當受大顛果
聰明識道理胸中無滯礙何必受昌黎先
生衣服為別耶小詩寫心謾發一笑

平生愛讀龔勝傳進退存亡斷得明范叔緜袍雖見
意大顛衣服莫留行以時要者英雄樣好漢應無兒

女情只願諸賢扶世教餓夫含笑死猶生

書林十景

書林筆峯

魏文筆光書林插空屹地皆天成尖齊不假雲烟
歛圓健何勞雨露椽墨太阿窺小硯書天不動龍深
蛇走何用蒙恬製作工五色光芒燠星斗

仙亭暖翠

元君吳老皆昇真民懷被德為斯亭和烟芳草連天
碧笑日仙花蒲樹春前後百陰迎翯鬱遠近琅玕森

玉立祥風靜定不見寒鳳尾婆娑暄暖日

龍湖春水

雄峯馳驟萬馬奔浮空積翠如崑崙
崑崙中有一汪清且
疵天成不假鑿鋤痕神物深潛清徹底霹靂電光生
石齒桃花飛雨三月紅洶湧湖光張春水

南山脩竹

携鋤鑿破南山雲種來脩竹凌青冥
參天引風挺蒼
玉匝地印月篩黃金清瘦何妨惟卻俗淨掃胸中塵
萬斛何當裁製十二箇吹作來儀鳳凰曲

岱嶂寒泉

岱嶂吞吐雲烟迷山川獨勝東南竒
銀河倒瀉風雨
急玉龍交戰水霜飛巨流殘石駕空谷仰望斯須突
起粟西湖不羨冷泉亭爽利可人清興足

龜嶺暮霞

路盤屈曲蛇行驚嶺危萃嶺龜紋真俯窺
毛悚超宇
宙仰捫手得探星辰斜陽墜塊硃砂魄暮霞
幾縷胭脂色來朝海氣泛扶桑擁出金輪光赫々

雲衢夜月

長虹跨陸登雲衢會同海宇皆車書日斜市墮夜喧
息月來雲淨天無疵水劫金墓取不槁長生玉兔藥
常搗可憐滄海幾桑田照耀古今人盡老

仰寺疎鐘

仰山梵刹萬行間巨鯨吼動天風寒前聲穿雲出山
久後音待月揮槌難長短輕重知多少斷續參差不
奇偶歇殘一百餘八聲樹色模糊落星斗

寶應朝陽

古陰寂々人蹤稀一泓凝碧環招提洪音清韻係風

雨山鳴谷響聲遲々昧爽初分天欲曉嵐氣升騰迷
木杪金鳥鼓翼海色紅燥醒林中正棲鳥

華峯霽雪

朔風吹折寒梅枝嚴凝凍合彤雲痴華峯屹立亘今
古堆螺積聚皆昏迷楊花飛舞盈三尺蝶翅交加呈
六出朝陽發散照乾坤萬壑千崖消粉飾

附錄

七言八句

送疊山先生北行

流落崎嶇二十年幾回灑血杜鵑前
一及芒屨乾坤窄萬古丹心日月懸
按上靈龜元不食樊中孤鶴且安眠
逃名不得名終在行止非人亦有天

又陳達翁建安泉石

孤忠不忘綉衣時
跣足徉狂老亂離
鸚鵡可能逃圈網
麒麟能肯受鞭羈
半生苦被名相誤
萬里甘將死日期
今日如公能有幾
少身無愧作男兒

送疊山先生北行

門人王濟淵道可

希夷何意出山中心事
當年漢臥龍行止但憑天

作主別離初不淚
沾胸定知晚菊能存節
未必寒松肯受封
大義昭明千載事
前程儘更好從容

送疊山先生北行

門人張子惠叔仁

打硬脩行三十年
如今訂驗做儒仙
人皆屈膝耳為下
公獨高声罵向前
汝去好憑三寸舌
再來不值一文錢
到頭畢竟全清節
留取芳名萬古傳

輓疊山先生

洪平齋

千古精忠日月光
恨無麟筆寫堂堂
還家耻作柔江總
辟穀誰知韜子房
後死十年應有待
輕生萬

里故非狂有鬼可拾江邊骨須信入亡道不亡

又

趙簡邊

西山東海莫容身芒屨一蕭心
万里塵去住更無寬
歲月死生惟有一君親丹心故國
江雲冷白骨他鄉塞草青不是
回頭春已暮至今猶說似痴人

和道士陳天隱 三百

明知儒道本同流未了因緣不自由
紫府寥陽隨念到紅塵辛苦幾時
休精神嘗與天來往軀殼不知誰
滯留穹壤豈無陸脩靜知君認得
故吾不

其二

豈不逍遙自采真世間何地可容身
碧桃秋月元無物麗日祥風只愛
春天上儘多知己文塵中安得見
心人赤虬一躍蓬萊近又恐丹丘
有宿因

其三

學道無魔道不成神人得計是無名
光風自覓長蕭洒明月何曾有死生
早悟梅山難養性何如福地別
尋盟梅花香裏堪聯句莫笑人間
石鼎鳴

右疊山先生詩三首

古風

五言長篇

謝劉純父惠木綿布

嘉樹種木綿天何厚八閩厥土不宜桑蚕事殊艱辛
木綿收千株八口不憂貧江東亦以種亦可致富殷
奈何來瘴疠或者畏蒼旻吾知饒信間蚕月如收卵
兒童皆衣帛豈但奉老親婦女賤羅綺賣絲買金銀
角齒不兼與天道斯平均所以木綿利不畀江東人
避秦衣木葉矧肯羞懸鷄天下有元德孔融願卜鄰

綈袍望不及共裘心自仁贈我以兩端物意皆可珍
潔白如雪積麗密過綿純羔縫不足貴狐腋難擬倫
締續皆作貢此物不薦陳豈非神禹意隱匿遺小民
詩多草木名箋跡徒諄仁國家無楚越欲識固無因
剪裁為大裘窮冬勝三春拜嘉重感激觸物尤酸辛
吁嗟彼寒谷鄒律今不神三宮坐穹廬雨雪或十旬
安得遺以惠飛到君王身塞上寒隨指挾續誰為溫
人各賜兩端費銀二萬斤大軍四十萬談笑却胡塵
感君道義交何異骨肉親可與知者道衆人笑且嗔

玉案未能報瓊瑤情則真春秋二百年幣交幾君臣
季札有贈好千古尚如新

謝張四居士惠紙衾

何年搗玉楮堂潔無滓空清興厭純綿安有塵可振
夜臥白晝中冰雪心不系夢覺梅花香爐紅絕煙燼
疑到玉皇前俯視日月暈人間綺羅帳何異錦覆
吾慕忍寒人從師游魯鄰爵祿不可辭高舉已在汶
獨憐無褐民芘蒼凍欲債大裘正萬丈德心久廣運
天下皆無寒孔孟有素蘊願與物為春衾鉄吾不慍
以君志趣高惠我無俗韻縞帶報紵衣僑札真契分

謝人惠米線

玉粒百穀王有功蒲人寰春磨作瓊屑飛雷落九閩
翁張化瑤線弦直又可烹湯鑊每沸騰玉龍自相扳
銀潯來雪浪出沒幾璇環有味勝湯餅飲歌不愁饜
包裹數十里瑩潔無點斑興師遠持糒此物正可頌
千萬一日飽不貴金數錢長安權貴人五鼎斬笑顏
玉食過九重恨無土字版豈知有瓊糜天雨到市闌
願獻崆峒帝馬迷龍難攀

謝人冬至送鴨酒

陽復且閉閔萬物畏坤含雙鳧飛天外鷺食何貪婪
儒道又一泰十年乂愈餒誰家讀書堂庭階無青葦
少時談詩書蓮經提魚籃平生太玄文知者無一譚
之子愛野鷺驥駒舞兩驂厚顏酒食饌不獵懸鷄鶻
寒威甚毒矢三杯勝七鋤爛醉尋梅花登峯吾尚堪

乞醃

平生忍酸寒鼻吸醋三斗先民耻乞字乞醃良可醜
賣雞買魚烹雞魚誰含取將為水晶繪聊悅苦吟口

主人曰無醃調和只宜酒一夜嚴霜寒池水堅可扣
雖知酒不冰流斯魚可走旁觀粲然笑易牙知此否
始知五味和醃酸必相有提壺我有求君甕肯發甌
宿諾惠未未望梅渴已久似聞君釀醃巧心出楊柳
楊柳屬他人腸斷香山叟舉瓢酌醃時又憶王纖手
一顧一心酸淚珠滿翠袖汝亦人至情何不告朋友
古人有乞漿得酒意愈厚又恐酒俱來太歲正在酉
時年乙酉歲

謝黃禪師萃嚴會供食

十兆九萬拜求道，心如惔毗盧頂上珠，直欲一手探。
天厨送誰饌，衆腹豈敢貪。君有維摩心，作蚕憐吳蚕。
八萬四千供，只須丈室函。肯我聞晨鐘，今載草堂柵。
流年急如梭，長歌愧僊藍。勇尋趙州閑，何畏白髮鬢。
願為護法輪，金甲持長鎗。又恐回道入，晚遇黃龍南。

贈道士阮大虛何存齋

六道四生若何人，不煩惱官人自做官。道人自修道，
相逢不下馬，各自尋蓬島。前生非親契，今生如何好。
本來無因緣，安得有果報。來非人捉來，到是天送到。

我若不呈醜，道教一齊倒。春風縛不住，秋月蝕愈皎。
莫登特貴門，談天恨久早。對面不相識，開口便激恁。
譬如弄雜劇，徒取傍人笑。道我是風顛，知我已明了。
莫愁我飢渴，天厨食自飽。真宰善解家，未敢與人道。

七言長篇

菖蒲歌

有石竒峭天琢成，有草夭夭冬夏青。人言菖蒲非一
種，上品九節通仙靈。異根不帶塵埃氣，孤操愛結泉
石盟。明窓淨几有宿契，花林草砌無文情。夜深不嫌

清露重晨光疑有白雲生嫩如秦時童女登蓬瀛手
携綠玉杖徐行瘦如天台山賢聖僧休糧絕粒孤
鶴形勁如五百義士從田橫英氣凜々磨青冥清如
三千弟子立孔庭回琴點瑟天機鳴堂前不入紅粉
意席上常听詩書聲恠石篠蕩皆充貢以物奔廟當
共登神農知己入本草靈均蔽賢遺騷經幽人耽玩
發仙興方士服餌延修齡綵鸞紫鳳琪花苑赤虬玉
麟芙蓉城上界真人好清淨見以靈苗當大驚我欲
携之朝太清瑤草不敢專芳馨玉皇一笑留香葉錫

與有道者長生人間千花萬草儘榮艷未必敢與以
草爭高名

荆棘中杏花

墻東荒蹊抱村斜荆棘狼藉盤根芽何年丹杏以留
種小紅穢々爭春華野人慣見謾不省獨有詩客來
咨嗟天真不到鉛粉筆富艷自是宮闈花曲池芳徑
非夙宵蒼苔濁酒同天涯京師惜花如惜玉曉檐賣
徹東西家杏花者紅不者白十日并殺遊春車誰家
園裏有以樹鄭重已着重幃遮阿嬌新寵貯金屋明

妃遠嫁愁清笳落花榮簾拂床席亦須飄泊沾泥沙
天公無心物自物得意來用相陵誇黃昏人歸花不
語惟有落日啼梅鴉

贈何古梅學醫

永州何仙藥最靈神丸能潰邕州城廣西西道載清
平百萬赤子荷更生笙鶴一去二百年東南忽變為
腥膻為血為肉生靈苦在者瘡痍何日痊上界真人
有同性不季神仙學孔孟有術醫國無人知要為吾
民救微命察脉肥瘦韓子精論疾陰陽子產明神功

端不讓思邈古道依然如宋清得錢賣藥少取利無
錢乞棄喜舍施好客來時入酒壚無朋終日閱書市
億昔民生三皇前下壽無疾享百年神人妙用不可
見本草灸素猶有傳古云醫不通三書世上斷不服
其藥如君胸中有炎黃冷笑三書盡糟粕我聞上帝
最好生活人功多朝玉京請者岐叟至陶葛神仙多
是良醫成東南于戈二十秋人無貧富眉長愁千人
幸有一人在兩處呻吟無歌謳遺黎若耍家平康但
願良醫自天降不龜手藥有靈時好看良醫作良相

贈蚤梅吳雪塢

吳君雪塢善畫梅竹胸次爽豁所交多賢人梅竹
其所好雪塢其所居穹壤間如有五更風雪夜當
門獨立人必能知吳君之不凡矣廣信謝枋得贈
之詩曰

冷凝寒極雪漫心天下無人知袁安起來門前問梅
竹吾文可以話歲寒歲寒心腸如鉄石不與萬物同
摧殘有時醉中盃梅竹洪鈞只在掌握間人生莫與
天爭巧上帝一見開笑顏八極俗物不足道千年東

人無可現誰能奈得此雪過春風去後終須還千紅
萬紫爭爛熳梅竹携手隱空山臯陶庭堅不祀苦程
嬰杵臼存孤難豈無當門獨立者五更風雪不相干
上帝慈仁須動念醒來紅日上三竿

謝藥

雪深不能饒黃精天寒不能斲茯苓瑤草共食何日
長還丹獨鍊何時成如來憐我似鶴形指揮龍樹露
神靈佛無老死無生滅何用勞我以長生

謝惠椒醬等物

重茶易地味不甘薑桂到老性愈辣人言申椒能变化我見苾芬終不滅古來郊廟薦德馨此物氣味通神明開口一笑露眼睛望君點化佛先成
孔子愛食蔬菜羹匕中無醬必不食先生執醬饋高年此味琛羞豈易得瓶中有粟喜過望誰憐陶令分嘉餉喜君不作無髮人免得東坡借搗醬

謝麪

豐年自右說來年四月麥熟勝秋收天厨送食不待求有麪飢吾何憂安得化身為兒童戲沙作麪可

報答授記或為阿育王請鑄八萬四干塔

崇真院絕粒偶書付兒熙之定之并呈張蒼

峯劉洞齋華甫

西漢有臣龔勝卒閉口不食十四日我今半月忍渴飢未死不死更無術精神常與天往來不知飲食為何物若非功行積未成便是業債償未畢太清群仙宴會多鳳簫龍笛鳴瑤瑟豈無道兄相提携騎龍直上窅天一

寒食鄆州道中

沁園春詞

十五年來逢寒食節皆在天涯歎雨濡露潤還思宰
柏風柔日媚羞看飛花麥飯紙錢隻雞斗酒幾誤林
間噪喜鴉天笑道此不由乎我也不由他

鼎中鍊熟丹砂把紫府清都作一家想前人鶴馭常
遊降闕浮生蟬蛻豈恋黃沙帝命守墳王令脩墓男
子正當如是邪又何必待過家上塚畫錦榮華

書

上程雪樓御史書

十月朔日丁憂人謝枋得稽顙再拜奉書于雪樓御

史中丞相公執事大元制世民物一新宋室孤臣只
欠一死某所以不死者以九十三歲之母在堂耳罪
大惡極獲譴于天天不勦厥命而奪其所恃以為命
先妣以今年二月二十六日考終於正寢某自今無
意人間事矣禮曰傷哉貧也生無以為養死無以為
葬某幼讀此書何知其苦乃今身履之而後痛楚不
能禁某三十一而入仕五十一而休官平生實歷不
滿八月俸祿無一毫歸家養親已不可言孝矣惟屢
勉送死或可以少贖前過親喪在淺土貧不能禮葬

苦塊餘息心死形存小兒傳到郡縣公文乃知。○
欲求至誠無偽以公拔私明達治體可勝大任之才
執事薦士凡三十賤姓名亦玷其中執事將陞旨督
郡縣以禮聘召有願應詔者以資幣厚遣乘傳上京
弓旌招賢輪帛迎士此禮不見於天下久矣豈非清
明一盛事乎有志經世者孰不興起惜乎求異才而
及某非其人非其人貽笑於天下取議於後世非。
○夢卜求賢之初意也揚善者頌天薦賢者報國執
事為君謀亦忠矣自燕京至上饒五十里當執事薦

士時豈知有某母之喪衰經之服不可入公門草士
之銜不可徹殿陛姓名不祥者不可辱古靈薦藁也
稽之古禮子有父母之喪君命三年不過其門所以
教天下之孝也解官持服在大元制典尤嚴自伊尹
傳說之後三千年間山林匹夫辭烟霞而依日月者
亦多矣未聞有冒哀匿服而膺幣聘者傳曰求忠臣
必於孝子之門為人臣不盡孝於家而能盡忠於國
者亦未之有也某親喪未克塋持服未三年若違禮
背法從郡縣之令頌執事之意其為不孝莫大焉。

○以道德仁義治天下取士必忠孝人有不葬其親而急於得君者人心何在天理何在非聖君賢相所忍聞也且夫至誠無偽以公拔私明達治體可勝大任三代而下真足當此選者惟諸葛孔明一人孔明居隆中執事生古郢皆荆楚奇才也孔明未遇時立心制行必有大過人者襄陽耆舊能言之此執事所熟聞亦執事所願學今天下果有人物彷彿孔明者乎有斯人應斯詔固世道之福亦儒道之幸光岳之氣久裂者未全六經之道久微者未昌置八紘羅六

合以求才老者怯而不可用壯者狂而不可信少者未成才而不可得如取吉人善士以和光同塵當饋可無思拊髀可無歎野史記之曰甚哉上下之相象也此豈○○所樂哉此豈執事所願哉語曰人豈不自知某自知不才久矣亡國之大夫不可以圖存李左車猶能言之况稍知詩書頗識義理者乎某之至愚極闇決不可以辱召命亦明矣當執事薦士特特不知某有母之喪耳倘知之必不以不祥姓名瀆旒冕執事豈不聞前朝事乎淳祐甲辰丞相史嵩之

父沒天子詔起復嵩之雖不來大學生叫閭闔而攻之其詞曰天子當為國家扶綱常為天地立人極奪情非令典起復非美名朝臣惟徐忠公元杰上疏主正論力摧君父宜令嵩之終三年喪太心天理不可泯滅此嵩之所以壽終吾宋之所以幸存三十年也歲淳甲戌而後不復有禮法矣賈似道起復為平章文天祥起復為帥閻徐方直起復為尚書陳宜中起復為宰相劉黻起復為執政饒信斗筲穿窬之徒鑽刺起復不可勝數三綱四維一旦斷絕此生靈所以為

肉為血宋之所以暴亡不可救也豈非後車之所鑒乎忠臣論事必識大體君子取人先觀大節執事不可稱匪其人而孤。○求才之意某不可進不以禮而誤執事知人之明不待智者而知之矣為人子止於孝為人臣止於忠某不能為忠臣猶願為孝子傳曰君子成人之美不成人之惡執事能亮某之心便某幸而免不孝之名是成我者之恩與生我者等也某家在弋陽執事僑寓盱江相望二百餘里當徒跣以謝門墻惟服色悽慘不可以謁達官貴人敢以書

白于侍御者語曰士屈於不知已而伸於知已執事
豈不聞某為江南一愚直人乎人無所不至惟天不
可欺某所以發露真情而不暇文飾其辭者亦恃執
事必知已也不肖某稽顙再拜

上丞相劉忠齋書

七月吉日門生衰經謝枋得謹齋沐菽書百拜託友
人吳直夫獻于內相尚書大丞相國公忠齋先生鈞
座惟天下之仁人能知天下之仁人惟天下之義士
能知天下之義士賢者不相知多矣能灼見三俊之

心者必聖人也某自壬戌以後小夫竿牘不至門墻
者二十七年孰不以為簡先生曰斯人也非簡我也
必愛我也今天下能知某之心者孰有過於先生乎
事有當言而不言則非所以醇知己某敢不避誅斥
而僭言之君子之所為必非衆人之所識湯可就桀
亦可就必道義如伊尹者能之伯夷柳下惠不能也
佛肸召可往公山弗擾召可往必聖神如孔子者能
之曾顏閔不能也傳曰人各有能有不能先生之所
能某自知某必不能矣。○本無撼宋之心却奉使

將命來南欲使南北百萬億蒼生同享太平之樂至
仁也只此一念有足以對越上帝賈似道執國命十
六年欺君罔上誤國殘民其惡不可一二數拘行人
負歲幣蒲朝無一人敢言其非兵連禍結亡在旦夕
蒲朝無一人敢聲其罪善類亦可自反矣天怒于上
人怨于下國滅主辱理固宜然天實為之人豈能救
之哉○○之禮三宮亦可謂厚矣○○保全亡國之
臣亦可謂有恩矣江南無人才未有如今日之可耻
春秋以下之人物本不足道今可求一人如瑕呂飴

甥程嬰杵臼廝養卒亦不可得矣先生少年為倫魁
晚年作宰相功名富貴亦可以醇素志矣奔馳駟千
里如大都拜見○○豈為一身計哉將以問三宮起
居使天下後世知君臣之義不可廢也先生此心某
知之天地鬼神知之十五廟祖宗之靈亦知之衆人
豈能盡知之樂師友之相知古今寧幾人哉事有可
效忠於清朝者某不可不言先生亦不可不察近觀
路縣及道錄司備奉尚書省指揮江淮行省叅政管
公將肯來南根尋好人根尋不虧面皮正當底人此

今一下人皆笑之何也江南無好人無正當人久矣
謂江南有好人有正當人者皆欺。○也何以言之
紂之亡也以八百國之精兵不敢抗二子之正論武
王太公凜凜無所容急以繼滅興絕謝天下殷之後
遂與周並立使三監淮夷不叛則武庚必不死殷命
必不黜殷之位號必不奪微子亦未必以求代殷而
降為上公也多士多方依然不忘舊君者三十年
成王周公以忠厚之心消其不平之氣曰商王士曰
有殷多士曰殷道播臣未敢以我周臣民例視之太

平君相待亡國臣民何如此其厚也豈非殷之舊國
故都猶有好人猶有正當人乎唐人哀六國之滅者
也妃嬪媵嬙王子皇孫辭樓下殿輦來于秦朝歌夜
絃為秦宮人至今讀者猶惻楚六國臣子無一痛心
刻骨亦可謂無人矣楚懷王不過一至愚極闇之主
耳播弄忠直信任姦邪送死咸陽無足哀者楚人乃
憐之如悲其親戚豈不曰楚本無罪不過弱而不能
自立耳楚滅矣義陵一邑捲已於舊君者惟一心扶
老携幼肥遯桃源後六百年兒孫尚不與外人相接

以秦皇帝之威靈蒙恬蒙毅之智勇豈不能盡執楚人而拘之天常民彛不可戕滅姑留此輩以勸吾忠臣義士可也豈非楚之舊國故都猶有好人猶有正當人乎女真之破汴京也劫二帝據中原土地人民皆其有矣粘罕多智人也知地廣人稠未易心服一讀馬伸秦檜議狀為之痛心變色亟思一策處之耳後南北載者六七年女真之待二帝亦慘矣宋之臣子不敢置兩宮於度外也今年遣使祈請明年又遣使祈請今年遣使問安明年又遣使問安一使死於

前一使繼於後王倫一市井無賴狎邪小人耳謂梓宮可還太后可歸諸君子切齒怒罵終則二事皆符其言行人洪忠宣拘留燕山開門授徒室燃敬其忠信誠慤一日問之曰天下何時可太平忠宣曰息兵養民則太平又曰何如則可以息兵養民忠宣讀孟子齊宣王問諸侯救燕一章以對和聲琅誦曰天下固畏齊之強也今又倍地而不行仁政是動天下之兵也又讀孟子樂天畏天一章曰小國能畏天大國能順天室燃曰善哉善哉吾計決矣曾幾何時密授

秦檜以江南稱藩國納歲幣之說而息兵養民矣女
真自丁未以後安處中原享國百有八年而宋自戊
午至甲午偷安江南者九十七年非秦檜之功皆洪
忠宣讀孟子勸室燃之力也豈非尹左臣子猶有好
人猶有正當人乎以某觀之江南無好人無正當人
久矣未好人正當人於今日尤難某江南一愚儒耳
自景定甲子以虛言賈實禍天下號為風漢先生之
所知也昔歲程御史將旨招賢亦在物色中既披肝
歷膽以謝之矣朋友自大都來乃謂先生以賤姓名

薦朝廷過聽遂煩旌招某乃丙辰禮闈一老門生也
先生誤以忠實二字褒之入仕二十一年居官不滿
八月斷不敢枉道隨人以辱大君子知人之明今年
六十三矣學辟穀養氣已二十載所欠惟一死耳豈
復有他志自先生過舉之後求得道高人者物色之
未好秀才者物色之未藝術人者物色之奔走逃遁
不勝其苦中書行省魏參政之言勒令福建有官不
仕人呈文憑根脚者又從而因辱之此非先生之賜
而何然先生豈有心於害某哉大抵朝廷一番求賢

不過為南人貪酷吏開一番騙局趁幾錠銀鈔欺君
誤國莫大焉今則道錄司備參政管公將降旨根尋
好人不覩面皮正當人又物色及某矣某斷不可應
聘者其說有三一日老母年九十三而終殯在淺土
貧不能備禮則不可大葬妻子鬻婢以其連累死於
獄者四人寄殯叢冢十一年矣旅魂飄飄豈不懷歸
弟姪死國者五人體魄不可尋遊魂亦不可不招也
凡此數事日夜關心某有何面目見先生乎此不可
應聘者一也二曰有天下英主必能容天下之介臣

微介臣不能彰英主之仁微英主不能成介臣之義
某在德祐時為監司為帥臣嘗握重兵當一面矣蒞
通對高祖曰彼時臣但知有齊王韓信不知有陛下
也滕公說高祖曰臣各為其主季布為項羽將而盡
力乃其戰耳項氏臣可得而盡誅耶某自丙子以後
一解兵權棄官遠遁即不曾降附先生出入中書省
問之故府宋朝文臣降附表即無某姓名宋朝帥臣
監司寄居官員降附狀即無某姓名諸道路縣所申
歸附人戶即無某姓名如有一字降附天地神祇必

殛之十五廟祖宗神靈必殛之甲申歲。○降詔赦
過宥罪如有忠於所事者八年罪犯悉置不問某亦
在恩赦放罪一人之數夷齊雖不仕周食西山之薇
亦當知武王之恩四皓雖不仕漢茹商山之芝亦當
知高帝之恩况羨黎合糲於。○之土地乎。○之
赦某屢矣某受。○之恩亦厚矣若效魯仲連蹈東
海而死則不可今既為。○之游民也莊子曰呼我
為馬者應之以為馬呼我為牛者應之以為牛世之人
有呼我為宋逋播臣者亦可呼我為大元游惰民者

亦可呼我為宋頑民者亦可呼我為。○逸民者亦
可為輪為彈與化往來虫臂鼠肝隨天付予若貪恋
官爵昧於一行蹤。○仁恕天涵地容哀憐孤臣不
忍加戮某有何面目見。○乎此不可應聘者二也
某受太母之恩亦厚矣諫不行言不听而不去猶願
勉竭駑鈍以報上也太母輕信二三執政之謀挈祖
宗三百年土地人民不獻之。○無一字與封疆之
臣議可否君臣之義亦大削矣三宮北遷乃自大都
寄帛書曰吾已代監司即臣具姓名歸附宗廟尚可

保全生靈尚可救護三尺童子知其必無是事矣不
過給群臣以罷兵耳以宗社為可存以生靈為可救
陽給臣民以歸附此太母之為人君有盡為君之仁
也知祖宗不可存生靈不可救不從太母以歸附此
某為人臣有盡為臣之義也語曰君行令臣行志又
曰制命在君制行在臣大臣者以道事君不可則止
孔子嘗告我矣君臣以義合者也合則就不合則去
某前後累奉太母詔書並不回奏惟有繳申二王乞
解兵權及納出身以來文字生前致仕削籍為民還

逃山林如殷之逋播臣耳聞太母上仙久矣北向長
號恨不即死然不能寄一功德疏如任元受故事今
日有何面目捧麥飯酒太母之陵乎此不可應聘者
三也今朝廷欲根尋好人不虧面皮正當底人某決
不可當此選先生若以三十年老門生不背負師門
為念特賜仁言為某陳情使江淮行省參政管公願
移闕諸道路縣及道錄司不得縱容南人貪酷吏多
開騙局脇取銀鈔重傷國脉大失人心俾某與太平
草木同沾聖朝之雨露生稱善士死表於道曰宋履

士謝某之墓雖死之日猶生之年感恩報恩天實臨之司馬子長有言人莫不有一死也或重於太山或輕於鴻毛先民廣其說曰慷慨赴死易從容就義難先生亦可以察某之心矣于肩鈞嚴不勝恐懼戰慄之至

與參政魏容齋書

九月吉日前宋通播臣○○蔣民謝某謹齋沐頓首致書于大叅政公閣下大元制世民物一新宋室通臣只欠一死上天降才其生也有日其死也有時某

願一死全節久矣所恨時未至耳○○慈仁如天不妄殺一忠臣義士雖曰文天祥被奸民誣告而枉死後來寃狀明白奸民亦正典刑其待亡國之通臣可謂厚矣某雖至愚極闇豈不知息所以寧為民不為官者忠臣不事二君烈女不事二夫此天地間常道也有伊尹之道有伊尹之志則何事非君何使非民若伯夷柳下惠則自知不能為伊尹決不敢季伊尹矣自丙戌程御史號雪樓將陰旨宣喚之后今第五次蒙○○以禮招徠上有堯舜下有巢由上有成湯

下有隨光上有周武下有夷齊其所以效虞人之死而不往願李夷齊之死而不仕者正欲使天下萬世知○○之量可與為堯舜可與為湯武能使謝某不失臣節視死如歸也茲蒙大叅相公居管周先生道院日夜勞動錄事司吏卒十餘人及坊正屋主監守豈不憂某之逃走耶某是男兒死即死耳不可為不義屈何必逃走大叅相公憂慮亦大勞矣先民有言慷慨赴死易從容就義難某茲蒙大叅相公縲紲而到大都以縲經見留忠齋諸公且問諸公容一謝某

聽其為大元閑民於大元治道何損殺一謝某成其為大宋死節於大元治道何益只恐前誤大宋後誤大元上帝監觀必有報應諸公自無面目立於天地間某母喪未塋據禮經不可除服只當縲經見公卿凶服不可入公門○○有命當歷罵江南官吏貪酷生靈愁苦之狀作萬言書獻陛下聽進退忠臣不事二君烈女不事二夫此某書中第一義也某自九月十一日離嘉禾即不食煙火今則并勺水一果不入口矣惟願速死與周夷齊漢龔勝同垂青史可以

愧天下万世為臣不忠者茲蒙頒賜仰見礼士之盛
心某聞之食人之粟者當分人之憂衣人之衣者當
任人之勞乘人之車者當載人之難某既以死自處
度此生不能報答恩遇矣義不敢拜受所有鈞翰臺
餽事件及文還來使回納使帑外即又傳鈞旨云欲
訪問某何事某初志亦願效一得之愚今則決不敢
矣魯有公甫文伯死其母敬姜不哭室老曰焉可有
子死而不哭者夫其母曰孔子聖人也再逐於魯而
此子不能從今其死也未聞有長者來內人皆行哭

失聲閨中自殺者三此子也必於婦人厚而於長者
薄也吾所以不哭君子曰此言出於母之口不害其
為賢母也若出於婦人之口則不免為妬婦矣言一
也所居之位異則人心變矣其義不出仕者也今雖
有忠謀竒計則人必以為妬婦矣恐徒為天下所笑
惟相度容之于肩鈞嚴不勝悚慄

與李養吾書

某惟祖宗於舍選擢倫魁視進士上三恩數尤渥賜
袍笏大成殿下即日受園子錄升崇化堂與兩司成

衆學官序爵而坐不待親民而入朝固以執政宰相望之矣後雖逾初意失舊法西澗七年給禮亦未爲遲執事坐爐亭時聲名赫赫震京師諸老先生恨識面之晚出場屋以程文示同舍皆心降醉服推讓爲第一登名日果巍然冠群英七年三優如執左契科目由人重誰不以西澗芳躅期之怡退六年僅得一學官在外爲曹司掾人皆曰不才宰相必不能容天下第一流人物當以養吾進退去就覘之陸宣公有言興王之良佐皆是李世之棄才養吾不屈卽受窮

官於陳宣中留夢炎劉歆柄國之時吾知天地祖宗之意已有所屬宇宙大變一世無全人饒信持文之士勇爲亂臣賊子者尤衆少康逃匿有仍氏者四十年宣王逃匿召公冢者十有四年夏周諸侯公卿大夫皆叛者不見於史策是何三代忠臣之多也養吾絜身全節於深山密林間屹然如黃河之有砥柱先儒謂世有非常之變天必豫出非常之人以擬之吾於是有望矣藝祖皇帝最重讀書人天地折缺之餘正望其整頓人極傾顛之際正望其扶持在天之靈

想亦不能忘情也子房不能存韓而歸漢孔明不能
興漢而保蜀君子憐之今日之事視二子尤難愚公
移山精衛填海取訕笑於腐儒俗吏鄙夫庸人固宜
程嬰杵臼樂毅申包胥果何人哉天地間大事決非
天地間常人所能辦使常人皆能辦大事天亦不必
產英雄矣夷狄不可為諸夏之王古今未有絕正統
之時使君臣上下同一豺狼蛇豕之心而可立國秦
始皇隋文帝必不再世而亡矣使五帝三王自立之
中國而終為戎狄所滅使君無桀紂幽厲之惡而一
廢不復興少康宣王東周蜀漢之事皆不可信矣人
力終有窮天道終有定壯老堅一節終始持一心吾
獨於養吾有望某嘗有言人可回天地之心天地不
能奪人之心大丈夫行事論是非不論利害論逆順
不論成敗論萬世不論一生志之所在氣亦隨之氣
之所在天地鬼神亦隨之願養吾益有珍重儒者常
談所謂為天地立心為生民立極為去聖繼絕學為
萬世開太平正在我輩人承當不可使天下後世謂
程文之事皆大言無當也

與建寧路母府判薦朱山長

知公度量足以翕受一世之人物敢以士獻朱文公
之後能世濟其美者亦罕矣四方善類幾年長太息
某寓閩十三年所交朋友能讀四書者儘多求其明
辨力行真踐實履果無愧文公四書之教者惟涿道
朱公沂一人癸未年初識之逆旅中狀貌與文公無
異揖而問其姓字則文公曾孫也聽其議論覘其志
趣絕似西北人無一點江南時文氣質遂為莫逆交
每歲或一相會觀其論古今人物高下國家興廢善

類仕止久速之故掃盡萃業獨存根株使其老為太
平民正謂胡瑗嘉祐真講官也生不逢時可為浩嘆
乙亥已前侍從監司太守以遺逸薦者衆矣涿道皆
不應聘某問其故則曰吾家如侍郎在總領鑑畿漕
秘撰液非不過賢宰相以文公之故窮官廩仕如取
諸竒終為一俗吏既無補於世道徒有忝於家聲此
某所深愧也所以用力文字與郡國薦名必由科舉
奮身者願一洒從祖從叔從兄之耻使文公之道取
信於萬世也天耶命耶今何言哉某聞而悲之惟誦

努力加餐飯無事長相見兩句以相勉今在建安書院與釋菜願梅庵枉駕訪之延至門下與之談論必有以契盛心者若信其非江南時文氣習則願以建安武夷書院山長或提督官待之亦扶持世道興起斯文第一義也

與劉秀巖論詩

詩於道最大與宇宙氣數相關人之氣成聲聲之精為言言已有音律言而成文尤其精者也凡人一言皆有吉凶況詩乎詩又文之精者也某辛未年為陳

月泉序詩云五帝三王自立之中國仁而已矣中國而不仁何以異夷狄理之變氣亦隨之近時文章似六朝詩又在晚唐下天地西北嚴凝之氣其盛於東南乎當時朋友皆笑之言幸而中此說有證先人受教章泉先生趙公澗泉先生韓公皆中原文獻說詩甚有道凡人學詩先將毛詩選精深者五十篇為初次選杜工部詩五言選體七言古風古言長篇五言八句四句七言八句四句八門類編成一集只須百首次於文選中選李陵蘇武以下至建安晉宋五言

古詩樂府編類成一集次選陶荆明帝一蘇州陳子
昂柳子厚四家詩各類編成一集次選黃山谷陳后
山兩家詩各編類成一集此二家乃本朝詩祖次選韓
文公蘇東坡二家詩共編成一集如此揀選編類到
二千詩詩人大家數盡在其中又於洪邁編晚唐五
百家王荊公宋次道選唐詩內揀七言四句唐律編
類成一集則盛唐晚唐七言四句之妙者皆無遺矣
人能如此用工時一吟詠不出二年詩道可以橫行
天下天下之言詩者無敢縱矣某舊日選毛詩陶詩

帝詩后山詩為劫火所焚今欲編類無借書之地江
仲龍有劉果齋火前杜詩頗存某曾為校正今為阮
二道士所執矣執事若有意謾借李杜陶帝黃陳文
選詩隨得一種便發來當為揀擇必有一得可以備
風騷壇下奔走之末甚今在書坊借得庵宇甚清幽
秋冬無他往尚可來聽教有懷如海當與握手精談
也

為蔡文節公子孫免差科書

某等輒有愚慮之一得仰禪教道之萬分切惟賢者

不得見得見其象者可以崇之矣古之人不得見得見其似者可以續之矣范文正公守嚴州未嚴子陵之後而免租稅奉祠事者四家黃子畊守台州未謝上蔡之後給以田宅者數人余景謦守南劍未揚龜山之後賜以室廬養以廩稍者十餘口皆明時士大夫盛德事也故家遺俗之昌微豈特與郡政有相關者斯文之興衰世道之污隆君子亦相覘之伏見先賢西山先生蔡文節公學貫天人道高百世師事朱文公最久文公敬之無以異於二程之尊康節也慶

元學禁五十九人惟文節受禍最慘子孫最多賢人以為天道可信厥子節齋九峯二先生守父訓明師道以德行文章學為

厥孫覺軒以立言垂不

朽久軒先生文肅公精忠大節尊主庇民使立公之道愈信於天下士大夫能讀文公書者多矣未有一門三世力扶道脉如蔡氏者家傳清白恒產本不多其曾孫蔡某已自至元十三年歸附後遭貪酷轉運破其家又奪其田逃難江西近方還里田為橫民冒佃者半荒萊無人耕墾者半路官撥入馬站戶家

有一物直錢則鬻以養馬今則無可鬻者矣皆為困窮民鄉人之善者大夫之賢者見之莫不流涕范文正之免租黃子耕之給田宅余景瞻之賜室廬廩稍不可望於今人矣切見文公門人能扶植道脉如劉文簡公黃文肅公之家皆蒙宣慰使薦舉省府褒表應有田產並免差科其已站戶而破產者並與分簡出站與儒戶一例優恤獨蔡文節公一門三世尊信師道有功名教尤在諸賢之右特以孫孤弱寒窶不為當路達官貴人所知不得與劉文簡黃文肅兩家

同沾清朝仁厚之澤豈非明世一闕事乎况蔡某等已係試中儒人必蒙優恤某等切聞師誨見義必為庸敢合辭鳴號於大人君子之前欲望台慈備詞申呈建寧路總管府福建道行尚書省府乞賜指揮劄下建寧路建陽縣將蔡文節公家子孫充為站戶而產去稅存者特與分簡出站照文公門人子孫及儒戶體例除地稅商稅外並免一應差科予以扶持名教興起人心有關於三極之道甚大豈特儒家有所勸獎知所趨向而已哉主張網維是在師道于肩師

尊下情不勝俯伏俟命之至

與天師張簡齋

某介怙慈仁輒有忱懇閩右武夷一孤士大夫尊道
信法者固多能推廣教主美意者寧幾人以某所見
察之奉行正一教法的有契敷行道濟物活人之功
者惟建安周君震一君儒者也厥祖告院先生乃一
世名流趙愚菴信菴吳履齋徐意一余樵隱或羅致
門下為重客進士黃魁以下習春秋者皆師之其尊
丈質軒先生累膺旌幣逃名山林年六十四之精神

半度如三十少年杜門謝客翛然出塵望而知其為
有道君子家在城府不妄友一人其遊建上一見如
故交辱館漿于迎仙道院者兩旬因識其子孫八九
人孝慈友悌一家之三代也持敬乃其家子晨夕事
玉虛玄帝如嚴君婚反疾病躄厄有祈焉如響斯答
武夷觀阮於河西僧上下無敢出一手授持敬默禱
之帝一夕僧感夢震驚獄遂散某遇夜朝斗忽見四人
跨高馬而來一人黑衣披髮端坐於庭前乃玄帝也
道士黃君亦熟視禮拜此持敬至誠所感召也持敬

慕簡齋如天人隆師尊道一念真功行五百里而辨
香黍禮儻蒙異眄而厚遇之如某受賜亦足以勸天
下學道者意長紙短益重懷慕仰祈台照

與道士桂武仲

某於建寧城中識周質軒先生有道之士近古之逸
民也其人忠厚篤敬言不妄發人不妄交行不妄動
猶有趙信菴王脩齋之風家在城府與時貴富公士
交無一人往來某不知何脩何飾獨蒙異顧館繫兩
旬聽其議論挹其精神儵然出塵埃之外真可謂可

與神遊八極之表者其令似周兄持敬少慕道教脩
真行法以濟活人為心一毫無所利捨宅為道院奉
事玄帝如嚴君玄帝助之如父詔子感應神異不可
一二數建邛得道者此其第一流也持敬平生以不
登祖師正一玄壇不識簡齋天師真人為大欠行六
百里持辨香參禮可謂盡心焉耳矣某既拜書簡齋
不封蠟而經台覽持敬與某交通如兄弟望尊契兄
留之門墻介之謁簡齋倘有所祈全賴吹噓將大興
之力黃兄方外亦古君子某甚敬之并累造化惟仁

賢留意焉

薦寫神黃鑑堂

某聞諸吳履齋其父吳正肅公題門榜曰寬著胸襟
行好事大開庭戶納春風履齋強為善有大庇天下
寒士心固無愧家學出正肅之門如徐意一者好賢
樂善慈惠恢廓之風猶有傳也恃此有禱黃鑑堂丹
青不減顧愷之閣立本達官貴人多收之其人淳朴
有古意不善干謁藝愈精而愈窮十三年來中國之
衣冠盡變鑑堂鬻技不售是亦宋人貧章甫而適越

也寒餓之不恤時時袖先朝知名士詩卷示僕蘄一
辭前濯尾鬣或可增價於唐肆嗟乎東門種瓜南山
射虎塗人皆得以躡蹠豈能為鑑堂先容哉古窮易
為德斗升水亦可活涸轍惟仁賢念之

與菊圃陳尚書劄

某揆時春到牡丹風明日健伏惟某官道隆德厚天
相人懷台候動止萬福漢人一月不見黃叔度鄙吝
滿懷某間不至先生門下半年矣天下誰能有一言
半辭以雪玉我哉某少日酷信書謂患難夷狄皆可

行道辟世者小丈夫也易居吾無才諧世吾無術京
然役役氛埃中武夷訪九曲龍虎訪仙岩秦人之家
計猶在今而後知避世者非小丈夫也日讀道家書
頗有益不敢號於人曰吾慕安期生河上公梅子真
也獨怪荀陳兩家父兄子弟皆名賢上関天象下係
人望乃能免禍於漢魏之際使生於今世必以得道
高人蒙繫維矣不知當時何以能自全願先生教之
某幼誦元公愛蓮說至晉人愛菊則疑何也呂不韋
以菊花為季秋候其說根於周訓又根於夏時三代

聖人咸以此花為上品知味者不止一正則也晉人
特好入之所好耳及觀文公書而信之狄梁公孤蹇
獨航勲德無可疑周內史三字文公不可為賢者諱
晉處士於是不可及矣晉人非愛菊也愛花之隱逸
者也濂溪斯言正為陶靖節發也忠獻老圃靖節三
徑易地皆然先生可謂善自為謀矣萬世宗師非此
時乎兒曹讀離騷突然問某曰菊英無零落露墜矣
可飲乎小子惑焉某得一說而解之曰木蘭不常有
得蘭露之墮者亦當飲之秋菊不常有得菊英之落

者亦當食之愛之至敬之至也吾於是重有感焉賢者不得見得見其象者亦可嘉之矣古之人不得見得見其似者亦可續之矣良臣不得見得見其文行不失世守者亦可盡力張之矣某不才先文簡扶世衛道之志不可泯也先生之愛我也不徒與其潔直欲與其進安知其意不在斯乎此生得列乎衆芳何敢忘滋蘭樹蕙之大造天行有消息易道無終窮康節不云乎苟有傘世之才民雖夷狄三變而帝道可舉何嘗曰天下不可為海濱大老聞有善養老則歸之觀其所養者必先覩其自養先生之自養者厚矣某何敢為斯文致煩禱三山紫翠遠在煙靄有無間冠星佩霞窓雲閣霽者盛德之家也天上祥釐何所不備士而尊道役於紫氣老仙者非一人儻無可使走也願從庚桑楚之後伏乞台照

啓

代宗臣正啓

恭審王春尊周人統用夏宗臣垂法一新正月之觀同姓上封獨載內陽之泰受天靈貺必世英賢恭惟

某官仁意春生道心日麗天才俊逸合吟紅藥於東
風佛性清高獨愛青蓮之明月風飄也而遠引麟振
振而誰知詩禮楚交加意穆生之醴英雄元德留心
康成之言知季問之無窮宜德業之可大想見斯時
之草木未忘故國之山川江曲新蒲動野老行吟之
志宮前嫩柳懷上皇攀折之恩願消西北之嚴凝廣
布東南之溫厚掃清颼霧見舊日之官儀充滿乾坤
賀今春之喜氣某草心游子花淚連臣媿也秋風思
公子而遠望萼也春色恨王孫之不歸愧無存趙之
思空有依劉之幸詩懷雲樹清樽即日而論文夢遶
煙花紫禁何時而獻頌後賀禮簡前期心長

代賀丞相正啓

鳳紀更端復對堯天之曆龍躔回次又新夏正之初
維時元勳坐膺絕巖恭惟某官勲高王室忠簡帝心
以道德而位三公應千載明良之運理陰陽而遂萬
物成億年蕃定之功宜誕受於春祺用永扶於皇極
某一邇鈞範五越歲華身在西陲阻效椒觴之祝神
馳東閣輒輸竹簡之誠

又

天序更端入正啓且寔四方之資始慶萬物之咸亨
伏惟某官道冒群倫德隆間世服華夷之重望建社
稷之茂勲坐陪師席之儀刑益重聖朝之羽翼為國
碩艾四方咸聳於具瞻享時休嘉百福同資於康壽
某屬臨猷歲服跪壺觴仰企崇墉益
飲

代于丞相免追筭功賞錢糧啓

出車還役方吟洗甲之詩討薄見疑乃有償金之責
此生此日惟公惟天切以黃石談兵無賞豈能得士

孔明治國散財斯可聚人任危事者異平時曷大功
者忘小費陳平用間不捐四萬之黃金季子合從豈
止一雙之白璧上不問其出入之數下得神其鼓舞
之權故能離敵國骨鯁之臣終於滅楚連異姓兄弟
之國足以弱秦洪惟仁厚之朝善用英雄之士郡臣
分鎮州郡之粟可移百里皆兵府庫之藏不借昔我
寧考若公先王當輪臺悔用兵之餘以雅閣礪復仇
之志捐軀征代誓還萬里之封疆傳檄招徠盡致兩
河之豪傑雖收義而有感豈吝財而可為想盛時不

計分穀之微故忠臣得為社稷之計孔明不死雖復
漢以何難召虎再生此與周之有望誰謂武皇虛耗
之日頗有秦李督責之風車駟馬蕭雖恨捐金之晚
弓弭矢箛卽云上簿之欺始因一二事之可疑併與
千萬人而不信為父推子寧不痛心以君使臣亦必
有禮伏念其承家忠義賊性狂愚參中原文獻之傳
頗知衣節得安定躰用之季不事空談辛苦兩科摺
遲幾載流涕讀與元之詔血誠起雍丘之兵清朝將
以勸忠宣幕因而假寵非有祖述千人之廩又無張

巡百里之權用官券能幾何得義士以萬計戍兵絕
餉間逢子敬之指因大姓假錢多藉軍師之作保方
狂虜入清江之境以孤軍守臨汝之城悍將武夫固
有坐而覘者監司太守幾欲委而去之乃以三州責
之一士賴元勳再整乾坤之力使內地不見師旅之
勞豈其全軀保妻子之臣皆譖人者不念援抱先士
卒之伍將屬子平謗言來自貪夫具錦成於逐列胡
銓義旅似蒙騷動之疑宗澤精兵竟以飢羸而散猶
幸坤大臣之容物有如泰君子之包荒未投光範之

書已拜明綸之渥真為知己豈但感恩其奈右司無
宰相之公心有負裕陵之訓本朝乃昏吏之天下果
如同父之言忽傳拘索之甚嚴不日會計之已當干
金而募徙木將取信於市人二卵而棄干城豈可聞
於鄰國况子文之家已毀顏氏之瓢屢空慈母忍貧
久缺南陔之養室人徧責何止北門之憂可憐平地
之無銅安得上天之雨玉強為師說誰資弟子以万
鍾亦有誥身不直將軍之一醉與言及此撫已知危
王亦忘身公尔忘私願及為臣之義寒不得衣飢不

得食亦為賢相之羞茲盖伏遇某官忠孝通乎神明
度量包乎宇宙平生李問惟韓范可以齊驅不世功
名雖伊周未能遠過不以春秋而繩臣下每用皇極
以受人才使稼軒之幣屢空無辭于罰若師魯之錢
公使當辨其冤万形有弊而惟理難磨一心合天則
何事不濟矧小人之有母尤君子之用情誰能憐措
大之窮賜之十万不敢受北軍之賞还以五千特在
出尔及爾之間即為生我育我之造元金具在悔不
如莊子之明璞玉猶存或可效卞和之獻。

代于執政薦舉啓

闡黃扉而熙萬類雖后陶甄揆華藻而披群才敢希
題品具輸悃款登徹崇嚴切以國家端出治之源宰
輔受舉能之責入則垂紳正笏日謁帝以進賢出則
濡牘剡章歲限員而薦士維中外之同躰共推揚之
一心凡借齒牙立生羽翼曾謂駑駘之賤妄經臯樂
之前如某者才譴命竒地寒族晉弓治淪箕裘之緒
鼎儀隊閼閱之傳顛躓窮途侵尋半世原念登門之
始亟蒙下榻之知時際秉鈞哀深陟岵適在幽隱之地

地莫逢造化之功墻角殘蔬自絕阿衡之鼎海隅斷
梗空瞻傳說之舟既請字民庶諧將母逮甫戊期之
及會新遴選之嚴掃軌里屈已更六載易階京秩尚
闕四章在行道已猶矜矧趨風之有旧恭惟某官爽
邦碩輔命世真儒嗣洪烈於臯夔統正傳於洙泗建
牙藩翰暫均剖竹之勞推較英豪罔晉拔茅之志倘
矜瑣陋當辱記憐賜之顧盼之隆假以扶搖之便某
謹當鏤膺載德銘已知恩是日崇墉獲厠登龍之列
異時大治願為附鳳之階

代于上司公庇啓

長榜書名誤玷掌徭之選遠方隨牒笈深懷祿之情
豈不堪拜揖於上官將以受約束於下執切以難莫
難乎使之為宰能不能者皆自其人野王之請試長
安薛恭而僅理宋邑盤根然后別其器朝歌有意於
除姦美綃不可為之鑿袁甫惟求於治劇雖事之繁
簡或異亦材之大小不同某誤着青袍濫紆墨綬不
能操刀使之製錦未嘗登車何以獲禽僅若落山陽
以尹鼯猱焉可治都昌而化豺虎豕網繆以結果徒

奔走於抗塵河陽號一縣花潘安仁豈於微官而敢
陋彭澤為五斗米陶淵明或以小兒而見羞矧廢置
之際未免鄰城之嗤而退進之間或遭官長之罵誰
為之地頭出其門茲蓋伏遇某官氣養之浩然道識
其大者振鴛鴦之翼而騫翔路要垂虹電之光以熠
耀清朝我馬之維駒維駢維駟暫屈咨詢之間
耳棠之勿剪勿伐勿敗勿拜將形听斷之思賜環行
補於公鄉推轂未忘於官屬某敢不班揚名令敬服
常箴惟學道切慕於絃歌而奉法願寬其書策猷梅

花之賦敢期直指之稱誦木氏之詩當及厚報之意
其為欣抃曷既敷陳

代于丞相遷除啓

丹衷激切夙懷知過之憂黃閣深嚴莫遂趨承之便
彌極朔風之慕敢稽修敬之勤恭惟某官星斗垂文
乾坤廓量負五百年名世之傑展九萬里南溟之程
經綸四海而無所不長酌酢萬變而未嘗或屈大節
凜々而可畏宏猷綽々而有餘懷堯舜之道以致君
耻威文之事而在已朝廷由之為輕重天下係之為

安危自登槐席之尊益注楓宸之眷謀王躰而斷國
論熙帝載而代天工坐隆兵寢刑措之勲益致俗阜
民安之效群才登用庶政脩明一陶晏祭之期永輔
盈成之業明良際遇載賡虞氏之歌聖賢相逢願續
王褒之頌切念其材猶標櫟景迫桑榆一官奔走於
塵勞七任沈迷於簿領退有帝號之迫進無左右之
容栖々嘆已之未逢落々與世而難合高山流水竟
乏知音白雪陽春終華寡和幸遇太鈞之播物况開東
閣以招賢既久託於忭懷當不忘於操履心同涸轍

願歸滄海之波迹類寒羨覬沐陽春之澤

代干杜按察索書板啓

布衣傘薄忘綉梓之群書絲書威行還青毡之舊物
誰詰季孫之賞盜親逢魯國之真儒吾有二天公如
十日勵以萬形有弊長存道義之名千古在前難泯
詩書之澤微若書生之議論上閔天運之文明秦火
無遺不焚御府之六籍蜀寇已慘尚留石室之九經
未聞孔孟之徒不勝跼蹐之焰造化必能為之主神
明亦自有其人伏念某才愧雕龍學幾刻鵠諸老文

章之印頗有傳成三代金石之碑亦嘗編集奈五窮
之難送慨萬卷之空礎忍尋活計於錐刀寧問生涯
於梓匠簡無編竹似有益於國人書既同文碩廣傳
之天下豈期狗鼠尤甚豺狼衆憐三篋之存亡彼得
五車而自喜贖以金而不許毀於擯則可憂凡為攘
竊之民恃有逋逃之主仲塗印昌黎之集自知不免
於貧唐僧失蘭亭之文恐抱無涯之戚不逢大造何
有餘生南山之判一傳符澤之奸大害漢除蘆吏盜
牛即日而來歸魯有素王竊玉踰時而書得兩載懷

亡弓之恨一朝喜去珠之還緬思西蜀之先賢起敬
招遺之有道物皆吐氣恨無數十輩之使君士盡歡
顏頽見千萬間之廣厦當日未酌於素志老天必啓
其後人此蓋伏遇某官草堂嫡孫闕里先覓襟懷洒
落光風霽之無邊志慮清明秋水長天之相映自月
攬轡登車之後有遡川獨航之心正觀豈無謀謨孰
若如晦之善斷慶曆固多按察獨稱杜杞之長才不
惟山岳之動搖自堯乾坤之軒豁蠻夷不変吳當受
罰於春秋文獻足徵宋或可言於殷礼凡一予一奪

之際皆衆好衆惡之公治鑑可垂之無窮儒家各傳
之不朽幸斯文之未喪知我其天喜吾道之將行以
公為命感激辭短飯依心長

謝宋亦山惠米啓

右某啓伏蒙台慈饋白米十碩者言念瓊糜精潔豈
無騷客之糗玉粒馨香每拜仁人之賜五升不糴一
飯知恩切以士必無求始能全於素節人言好施豈
尽出於誠心餽之倘或無辭受者不知何義萬鍾雖
富焉能悅於孟軻九百固多不可辭於孔子故簞食

惡其非道而壺食可以得賢伏念某旅不齊糧師非
學稼菊食蘭糧半生恥飲於肥甘折劔炊十載備
嘗於危苦亦羨粟有餘之農父甘為飯不足之廣文
少慕沂公何敢謀於溫飽晚同無已頗能忍於飢窮
豈無貸鑑河之書終不寫魯公之帖誰謂心腸之鉄
石尚憐氣味之金蘭青精欲轉其好容白粲忽驚於
愁眼終堪負米動慈母之歡顏不畏絕糧見門人之
愠色五斗無折腰之愧三鍾可攘臂而遊雖免炊沙
終慙不播吾能報德敢忘重施之秦輸人或言何
獨不辭於宋餽恭惟某官膏粱味義菽粟飽仁士待
公秩何止閔憂於苗長民思我粒必能燮理而黍豐
爰命廩人無飢咨子某敢不風歌授粲雅詠裹糧豪
傑襟期已見指困之義功名志願尚能倒廩而言辭
雖有窮意則難盡

謝人惠紙衾啓

平生真實不為布被之欺雅志孤高亦有紙衾之惠
寢興之感悟寐難忘切以荃壁葯房薄塵衾之惟帳
蓉裳蘭佩笑濁世之綺羅觀騷人之清脩乃志士之

法則獨無 奇服如此寢衣服木質之氣埃真成玉
楮敷竹床而瑩潔無異瑤臺迺而南浦之名儒遠而
西川之耆俊儉於奉己銘以示人某最厭黃紬之矜
夸未見青綾之華煖雄心英氣尚有侵獸皮之言義
膽忠肝不聽泣牛衣之語得此琪圃瓊林之物稱其
玉壺冰壑之懷何須柳絮以鋪毡恐有梅花之入夢
精神愈爽思慮無雅物外獨青疑是卧袁安之雪室中生白宛然宿
杜老之雲蒸惟某人睡不拋書寢猶思學喜留詩客醒常携枕簟
而遊靜听鐘声卧不覓衣裳之冷某共承珍貺願廣德因鉄衾而歌
千間儻遂庇寒之志得布裘而長萬文必無不煖之民

謝惠醋啓

道心苦淡自知吸釀之難德意醇醲乃有作酸之惠
香浮頰舌感在衷肝功以設醴雖微庸見尊賢之意
饋漿亦未可觀敬老之誠物而薄而用宏禮若輕而
義重我聞周典官有醢人掌五齊之調和合七菹而
醞釀上則登于玉所共者有嚴下而賜及賓筵禮之
亦厚使膳羞而無此恐滋味之缺然益必有梅前聖
之望良弼鼻能吸醋後賢以取相才自非其物之可

珍何有斯人之善喻伏念某言無可口事不皺眉靜
觀世味之噍喁堪憐聚蚋獨愛道真之嚙齧又笑醯
鷄渴饑不足以害心飲饌何求於養體猶未安於微
分爰有請於淡交遂煩小奚專致巨甕乃烹雨韭頰
添春菜之光華以漬冬萍不厭朝齏之索漠鄰何待
乞客亦可供盡忘東野之酸或止相如之渴共惟某
官痛懷蘊籍落筆森嚴行獨剛方不效微生高之直
量兼容忍真有范魯公之能遂令寒窳之庖頗知曲
直之味某嚙津佩德流歎懷仁頭子和羹當雨霖之
重任為吾發覆窺天地之大全既以心藏不須言謝

賀蔡芳原判鎮為道士啓

共審潔身汙世寄迹黃冠蒲目氛埃儒術不勝其拘
賤遊神清靜道家尚可以逍遙隱然千古之逸民或
是四明之狂客切以安期志大豈願學於神仙莊子才
高何空談於道德聊以避齊梁之俗不忍聞禁漢之
爭因思前哲微言亦羨后天不老秋夜發幽人之嘆
欲鍊形蒐凱風取王子之詞必存神氣果知此意寧
有幾人恭惟某官光風洒落之襟懷白日清明之志

操蕪歟而下考亭而上徧參諸老之書西山之節久
軒之忠自得一家之季未展平治脩齊之蘊肯為清
虛恬淡之遊靜觀世變之推迂恐見人生之辛苦皇
帝王伯之道一降如今衣冠禮樂之區一變至此惟
聖賢乃能避世惟明哲可以保身不嫌茅宇之婁涼
轉為道觀何必玉隆之嚴邃乃寄仙家上界喜聞蔡
真人之詞新宮不讓山元卿之筆廬山泉石甫期清
靜之留華岳煙霞幸有希夷之隱而恐聞十行之冊
詔終將擁一朶之紅雲某 欲訪松花共尋瑤草清

牛何徃常占紫氣於函關白鶴高飛或听玉笙於碧
落

啓狀

聘啓

典刑猶在愧文定之嫡孫聲氣相從慕安昌之愛女
春生葭樹風育桃梅恭惟親家某人令愛小娘幼未
及笄已着德音之美某以孛生童而佩繇粗知孝問
之方龜筮告猶鸞鳳得偶子當嚴於擇婦我祖名言
女必謹於事人君家美意

聘定啓

親不失其親可隆親誼幼及人之幼得講幼婚幸出自天恩歸有地髮方覆額已勤采藻之儀角正垂髫猶事弄梅之劇幸兩小絕猜嫌之念故一言契姻好之盟鴈幣肅將庸固早年之堅約鳳飛恊卜庶諧晚歲之和鳴

又

仰少府之名門曾詣舊養襲文昌之末裔復訂新盟况草木之味本同故柯斧之言易合五齡六歲幼而

嫁初而婚寸帛尺書宜尔家宜尔室豈特效恭於子婚盖將有望於父師如切磋如琢磨亦有仁義而已矣昏教誨昏保惠母曰筐云乎哉

又

百世婚姻况早得魚嬉之恣一言成事盖亦由鳳吉之占對偶信是有緣蹇脩易於為力誰謂司農之姪締好劉墻敢苟法從之孫獲妻馮氏既新盟之議定宜巧樣之催妝尺楮寸縑茲遺行人之間信綠衫紅袖要着舞膝之娛前

又

門闌多喜同為耕鑿之民，聲氣相求，宜請姻婭之好。媒言允契，天幸何多！令女髮未成，雲已婉容儀之謹。某男髮方總角，幸寬襁褓之憂，豈曰小哉！姻不嫌於及早，會言近止，喜即遂於于歸。

回定啓

自蜀郡來，五世託名門之好，必齊姜娶一書，寫非偶之慙。是誠因親而締親所藉，以幼而及幼，既無嫌於兩小，暫時為摘花騎竹之娛，宜諧老於百年，指日奉執，櫛傳巾之事，辱冰語致將忱之奠，鴈欲歲寒成聚。戲之隊魚，可不如期以堅求好，舅姑即父母，幸每推錫類之仁，童稚不婚，姻何敢諱先儒之誨。

又

覲書月下，喜聞得婦於幼年，折花門前，幸獲問郎於同里，况黃糞並高於地，望宜朱陳亦締於世，姻令男已季吟龍茂，着奇童之香，小女喜占鳴鳳，愧無少女之詞，雖嫁女以長大為期，然男女之婚姻，貴早，苟不棄長于隣友之陋，願早諧廬，即年少之期，好音速報。

鳳樓人此正佳塔青春早作蟾宮客當繼前脩

又

樂天示勸深虞生育之遲延壽訪婚欲見曾玄之早
蓋一生之計惟在於少而万世之嗣莫重於婚若兩
小了無猜嫌宜二妙合於羈角况令孫清徹已聞駒
齒之生而姪女無知方在鳩車之歲荷不遺於葑菲
喜獲締於葭莩雖云鵬鷗之不齊自是馬牛之相應
資才不論何未忘夷虜之懷他日有行正有賴舅姑
之教

又

謝安之姪生而敏頗閔叔父之情庾公之女幼而孤
喜道姻盟之好惟因親致親相契之久故以幼及幼
得有所歸雖童心稚識之無知何勞遠慮然男室女
家之早定式慰先懷

又

兩小無嫌久誦弄梅之句一言有契遽承米菲之盟
俱勿失赤子之心可卜見玄孫之慶弄璋載育已呈
擊甕之奇折線未能久覓穿針之巧詎意孩提之戲

克成夫婦之緣茲辱魚緘復勤鴈幣報若青玉案既
已深張生何以之羞遺子黃金籬願莫守帚氏不如
之訓

七月請期啓

男女之生幸而得耦婚姻之道遺在及時禮有請期
義當脩贄祖宗繼体重嚴親迎之辰父母有心尤重
于歸之日肅將嘉幣庸誌新歡鳳鸞佇听於祥占烏
鵲惟迎於巧夕于舞至切心罄奚殫

回啓

月燭雲軒行矣赴銀河之約吳牋蜀錦此其為蓬蓽
之光然愧無百兩之將亦敢泰三周之禮折蟾宮之桂
毋富貴之相忘採南澗之蘋惟敬共之有恪

八月請期啓

始卜佳期幸尔秋期之叶再占吉月依然夜月之圓
諒由淑女之促裝足與姮娥而為侶茲相配合可想
和鳴爛即覩於盈門敬持將於納幣貧者為礼非財
貨愧乏多儀之子于歸宜室家豈勝至願

回啓

紅箋寵貺厚禮之鼎來丹桂香浮喜佳期之漸近
既有言歸之約當嚴往送之辭琴瑟和鳴行應曩時
之占鳳門闌多喜尚期他日之乘龍

九月請期啓

古者制禮婚姻非受幣不交今也從宜男女以及時
為貴况在黃華之候輒脩紅葉之緣占其吉於卜人
已云允叶聽其成於媒氏莫必能從

回啓

灤上湛露滋開黃菊之教枝拂已好風吹送彩雲之

五朶因悟親朋之迹且承迎禮之隆御輪再舉於三
周行李愧無於百兩祗崇姻好莫畧煩文宜其室宜
其家自今始矣俾尔昌俾尔熾勿替引之

十月請期啓

愧非韞樂幸思蹶里之相攸夙定文祥必講渭梁之
親迎言既遂矣迨其吉今預陳鳴鴈之期屆屆猷羔
之候言秣車言秣馬行詠于歸以采藻以采蘋庶無
失職

回啓

好記橙黃正十月為梁之景喜傳梅信占五星在戶
之期既叶佳辰敢遵嚴命女有行而餞于祢已教其
謹蘋藻之供毋命嫁而送之門當與之贊棗栗以見
十一月請期啓
納成迎人出贊
曩諧占鳳已欽季諾之承今漸登龍欲效秦貧之贄
况一陽來復之際正兩家合好之時輒脩鴈奠之儀并
致鳶裝之禮菲然為敬固慚無百兩之將行矣升堂
誓益殫半子之職

回啓

早憑月斧脩成月鑑之圓今泛星槎來促星橋之駕
賤牘戾止圭幣輝如自顧菲然何以當此既重厘於
委貺詎敢後於拜嘉禮重御輪適十月為梁之假式
嚴施祚屬一陽來復之時

十二月請期啓

天地之義既諧卜吉之從婚姻以時敢後親期之請
預煩媒介以布腹心月取季冬日涓癸卯書先伸於
一紙好永結於千春

回啓

穀且千差已叶蔡龜之卜瓊英是尚行規堂著之容
笄虞裝橐之空不作盈門之爛我則水薄公其歲寒
探隴首之玉梅已傳春信听坡頭之畫角行促曉粧

回啓 未允

龜卜叶從曩荷冰人之請魚牋下逮遽言星戶之期
然雖貴於及時柰偶迫於多事挑天方春之候此固
良辰蘋米行潦之中尚容後歲未為好也姑少遲之
陂量有容智燭是幸

劄

通王府尹劄

某伏以仲冬謹時晴曦流愛共惟某官眷隆九陞望
重一麾后皇贊襄台候動止多福某謹沐神雪慮蠲
拔毫牋申敬于千騎行軒之次仰祈矜休

某切謂天欲惠顧于橫浦為千里宅生之寄以有豈
弟君子出而父母斯民矧惟二矧
天照臨之初萬口歌頌為至和諸福鼎來不特而叶
某安敢贅請

某伏審某官光膺鳳檢暫撫異城成命甫收輿情文
抃共惟慶愜某承之附庸天幸棲身

道德覆照之下日在南塾與扶筇之老騎竹之童北
望朱幡爭先快覩卷卷質喜踊躍萬分

某共惟某官前輩盛心斯文元氣忠孝名門之衣鉢
才猷清廟之璠璣風度照人芒寒色正詩書澤物玉
韞山暉乃知衣冠甚盛之家必有

社稷非常之器

天才無施不可春脚所至有聲暫勞一駕於熊轡來活

久枯之鮒轍恐未止耳泉之計及已興宣室之思天
若有意斯民何止賜金而增秩公必從茲大用即看
鳴玉以趨朝凡在帡幪尤深傾俟某敢因慶幅而私
布之仰祈台炤

又

某去冬謁告言旋天闈竒机共遇某官分月臨川道
路之人更相告曰是間長史宰相才也子盍往致敬
焉某於此時所期先生者又有出於他人所期之外
也然自跪暹泰階倏又暮歲引睇霄躔無食息敢移

尊嚮忽得好音適屬福星委炤之下感念之餘始歎
人之幸會喜甚折屐遭際有如是耶惟是不習絲譜
五枚已窮善後之謀罔知攸濟所幸仁賢二千石惠
然肯來以下慰三邑顯俟之切某首當引睇牙旂躬
負弩矢俯伏道左以脩屬吏之恭則蘇天之庇又有
出於意外之望某不勝拳

又

某策名費敬之初無以見其歸依之萬一斐然儼語
芥于申蕃蕪類不工醜愧萬狀猶蒙一覽而擲之榮

佩千億

又

某仰惟隨軒蓬閣仙輯邈在霄漢某不敢凌節百拜
申敬惟下邑先庚教條拱俟頌曉

通王府判劄

某伏以權輿半春錦綉萬象恭惟某宮屏星照乘和
氣載塗穹廡迪簡台候動止千福某雪千露香費忱
籤府仰千丙在

又

某切惟宣化承流守相之尊等耳地方千里位並元
侯以十萬戶之懽聲為八千春之善頌則夫金鼎翠
釜有請則諛

又

某嘗聞玉華之秀甲於閩東名閔倚天寶鐘間氣慶
雲呈瑞孰不願快覩爭先風北枝南無階望履詎肯
試邑行戴二天此造化者巧為之遇合也遙瞻丈蓋
此心如飛

又

某共審奉詔監州抗旌戒道表共一輪之明月先回
四境之陽春伏深慶愜某幸正趨兼倍增欣抃謹綴
猶小啓一書端控燕雀之悃仍蒙弘慶賜以榮覲某
下情慰愜

又

某仰以某官性資水潔德量天寬惟涵養深而燭理
明宜設施弘而臨事果夔城製錦載賚杜工部之詩
越因依紅細考王右軍之帖存分半刺殊加恩意別
乘驥足之馳詎容席暖屬車貂尾之從符詔溢

又

某庠序諸生不習為吏剽繁治劇用重其才木毀木
亂二軍艱字雖撫字之心如日而焦熬之髮已霜末
路尤艱險灘未涉尚祈矜念曲賜庇存祗佩恩私山
丘莫喻矣

又

某不敢凌臘申室閔仙輯之起居伏念屬邑應有先
庚條目拱俟行下

回主簿交代

某伏以月開周正雲慶魯書共惟某官司印花城趣
裝殼且后皇右綏台候動止千福某雪手露香奏記
載史仰千丙在

又

某聞之二氣五行之運在天為寒暑在人為語默動
息調元贊化儒者事也况一理身之陰陽乎雖然存
我以厚蒼生願為百家室此不貲之軀乃副與望

又

某佩服春藻秋蘭之馨久矣箕南斗北無由星鳳

之瞻不謂天假奇緣得托雲仍之好平生願儼荆扉
却無負此言矣中夜攬衣擊節自慶

又

某伏審榮膺綸誥來領印曹先生聲一馳和氣四洽
諒惟歡慶切惟某官以南岩世家為西江名士莪冠
司業堂則何蕃之德行舉隋帝闕下則王咸之氣節
朝奏暮召可謂希世之遇矣尚屈鸞鳳於枳梅何耶
然張集賢起於魯山鄭相國興於汜水万里脩途胥
此焉出奉紫泥而班玉筍下夙則暮

某鈇繫晚生世居昭武烏洲季優而仕代不乏人在嘉
定間則伯氏果齊對策大廷擢居鼎甲獨某不克亢
宗少也三預賢書迨其強仕某年猶未脫場屋俛試
南廊疏居次等遂得令闕趨來梅川甫書下考乃蒙
大鑒張先生檄入郡幕繼蒙誘使李先生俾攝信豐
俱以一削收錄于是羈留幕底者兩年回視薄職不
無曠瘼然此心倦也無日不在朱墨間屈指歲除僥
倖書蒲幾生脩結得際交承洗龜拂篆以為告新之
圖某之志也掩瑕匿過以為淑後之計則執事也

也引領車音拜手以白其及灰而代有日辰修尺牘
以通是好禮也乃為執事所先憊怠之咎無以自文
謹列件劄將以儷語申控卑悛并酌榮施倘垂電光
榮佩千億

又

某惶恐晉躡申問契家翠水瑤池台眷伏想烟霞萃
社日月常春新治趨條敢不肅拜

詞


薦父青詞

代工葉荷女

父今捐弃末無侍奉之期女既有家難報劬勞之德
潔齋丹悃號顙蒼旻伏念幸先考孝慕醇儒老為寒
士爰人利物雖莫展其素懷謹行信言不敢欺於洪
造豈期一疾即及九泉幸生無養志之能沒缺送終
之禮受恩罔極茹痛何窮仁君猶悲憐緹縈之詞河
伯亦閔念曹娥之若父子之情至切天人之應惟誠
皈命聊衣投誠金闕伏願矜哀愚悃超度先魂覓本
性之虛明赦凡情之罪悔宿愆尽洗無久滯於冥途
片善可書或再生於樂園

吾友張四居士為僧敢獻善頌

天台羅漢形模也
季丹霞剡草少年大振宗風好箇
五山長老



新刊疊山謝先生文集卷之一

